

廣成集卷之十六

四

上第介第官內供奉惠利文章大德賜紫杜光庭道

天錫觀告封章李真人照詞

伏以稽考前王握圖受命必荷玄覽以贊洪基須屬海嶽多虞生靈靡託遂膺推戴宅岷嶠四方之賸貢雖來中土之山川或阻礙懷求理夕惕晝乾砥礪戈矛申嚴號令竹行弔伐以拯艱危非有尚於佳兵蓋欲靖其多難以茲軫念倍用焦勞而郡國諸侯頻獻祥瑞麟介羽毛之品聚林竹樹之間或提質稱奇或成文顯迹每加撫讓累仰奏陳永平二年秋七月於仙居靈山獲古篆銅識乃太上通天之記是章真所鑄之文名姓生辰子孫年數重顯述一一合符周公探策之求郭璞撰著之得真為天授克驗神功顧寡昧以多慙宜欽承之敢息是用創新觀宇別署嘉名備像設之儀改鎮縣之額齋修金籙應答瑤壇雖陳昭報之誠難答上玄之賜章真人親緘秘字李真人首鎮仙山共洽休積先于奉園須展環封之禮以旌贊助之功爰舉彝

章式陳款款今封章弘道為鑒聖真人封李

八百為志應真人謹遺廣成先生金紫光祿

大夫左諫議大夫蔡國公杜光庭精備香燈

皮申照告伏惟開九清之日闕降八景之雲

與俯鑒明誠滂流惠澤俾九州六合蕩氛霧

以為家地久天長混車書而成化普遵玄訓

永勸丹襟不任虔祈之至謹詞

天錫觀告封章真人詞

惟君名操丹簡天付仙才人間之玉軸珠軒

何嘗矜顧物外之雲棲霞飲自得貞閑早受

靈書精窮緯候鉤深索隱藏往知來鑲銅篆

於仙山謹金行於蜀國二百餘年緘秘蹤迹

長新五十八字周旋損祥畫驗顏惟薄德祇

奉靈休雖控構華居崇嚴聖觀新邑市之額

長齋醮之科尚歎素懷未酬玄覽爰申典禮

特舉褒崇本封君為鑒聖真人謹遣杜某度

落齋壇恭申昭告鸞鶴嚮將從文始之遊

綠室瓊情叙列太元之品真人更垂幽贊常

假靈光伴一統於九圍慶永昌於大業唯勤

宵旰以恭生靈謹詞

封李真人告詞

惟君仙李芳枝闡雲金縉玄丘自誌元非促

景之才道骨真風本列長生之品振衣世表

抗跡雲間默胸憲電遊之勞得藉積靈行之

趣棲遊蜀國顯瞻慶靈三隱靈峯八百餘歲

神丹化石猶存昌利之山拔宅昇天遠表仙

居之宇矣於舊址果獲靈文緘藏久秘於瑤

墟出見克符於金運緬惟源德祇荷殊休雖

縉飾蹤基肅嚴像貌率齊莊而告謝命羽褐

以焚修尚歎素懷未酬玄德今則考茲具禮

薦以嘉名想星珮霞裳早身真位而芝泥露

篆願表動誠循省冲襟良多醜愧今封君為

玄應真人謹遣杜光庭恭設醮壇虔申昭告

莫流玄慶永福皇基開宣室以遐思佇高真

之俯鑒謹意

漢州太尉於仙居醮詞

臣聞至道無為包萬天而成化玄功有作運

四象以陶鎔覆載合弘古今無爽由是三靈

克叙五緯循常景福被於幽明鴻休覃於邦

國人天荷賴澤澤返活臣夙感靈慈獲逢昌

運累塵珠電出居符竹之榮頻洽隆恩入奉
 重難之寄賴惟虛薄未著勞能省分憂惶兢
 懷震惕雖傾心勤力普酬君父之私懼福過
 災生或獲晦蒙之數竊恐主張戎伍宰制封
 疆理民有獄訟之繁奉職有賦與之廣沮勸
 有賞刑之用送迎有宴鴛之常教傷有故誤
 之憂裁斷有重輕之失因成罪目曾未懺祈
 或往債前寬未蒙和釋或星文命運猶值災
 期粵自夏初至于秋月久嬰徽恙未獲痊除
 非憑至道之練執致真靈之祐今屬際陳翠
 輝詔降紫泥高仙貯靈以停輿萬聖昭彰而
 介祉敢因勝會報備香燭披寫丹誠虔祈玄
 蔭伏惟鑒護賜以福祥俾巨罪咎蕩平克仇
 和輝災凶超度年祿增延疾厄錫銷休積臻
 集將壇師律勵陳翼聖之勤青蓋朱輪敢息
 行春之至不任歸命被心之至謹詞

張戎伍臨莅黎元懸非經濟之才常懼滿盈
 之戒果乘厄會遠蹈危機實深磨聖之慈弄
 齒簪裾之列夙興夜寐感聖懷恩寸心徒切
 於勤劬微効未酬於君父仗自累年之內災
 滯繁仍中秋已來疾恙頻作難加醫疋靡就
 瘥瘳竊以土星居身命之宮于茲數歲火曜
 臨田宅之位猶在子方太歲為六害之辰小
 運當歲破之上雖冬首有木星之福而即時
 值行運之災履此凶表倍深憂懼又恐理民
 主務皆繁重難用刑或寡於哀矜主膳或誤
 於烹宰久為寬債未遍懺祈又恐往世罪瑕
 幽關註注或住宅有龍神犯觸或鄉闈有登
 龍損傷流連於身致垂危厄拊心思過惟切
 禱祈敢因本命之辰虔備香燈之禮仰玄穹
 而請命罄丹懇以希恩伏惟天地真靈陰陽
 主宰降流巨祐來鑒深衷蕩滌罪尤銷除災
 厄和平寬聖解釋殃流先入獲泰於冥津後
 嗣期安於聖日三關勝理無壅閼之虞六腑
 機衡有均調之望賜其痊愈介以福祥續年
 齡於將盡之秋保形命於再生之日刻心投

泣瀝懇祈具誓傾修奉之誠上答專靈之祐
 臣某不任虔祝之至謹詞

前漢州令公宗慶上元醮詞

臣聞裁成天地陶鑄陰陽三元為布化之辰
 五緯為主生之紀總其宰制歸乎至真用能
 福被邦家惠兼幽顯南昌丹籙式弘進善之
 階北却黑書爰示絕非之旨是申戒勸廣庇
 人天巨獲奉真宗常遵明訓惟勤惕勵上副
 玄慈伏念荷國恩深致君力寡功未刊於鼎
 錫賜已冠於人臣出擁節旄總司戎旅荐新
 寵澤載踐崇榮青瑣位隆黃極寄重循懷增
 懼報主無階但虔焚祝之儀冀答君親之德
 今屬天官御節太暉司方少陰敷煦育之仁
 大有布生成之令是敢精持香火恭答醮祈
 仰景象以冥心佇休楨之應念上願寶圖慈
 久聖壽延長中外樂康寰區寧泰八紘九土
 咸歸一統之尊歲稔氣和永叶無為之理冥
 關朗晏動植舒榮率土普天咸登壽域臣某
 乞災凶蕩滌寬債和平罪咎錫銷福祥臻萃
 公私有泰眷屬常寧善願忠孝之心克贊休

明之運不任

趙國太夫人亦氏疾厄辭詞

妾聞天眞憫物大道好生常弘拯護之慈俾
運安全之願願惟至化育此含靈氣風之二
氣裁形昭灼而三元定命吉凶罪福上稟天
司妾以命祿俱衰納音在墓雖值舍神之吉
又當衝破之凶遊年既值於天符奉命仍違
於五鬼身官之內暗曜所纏純滯宿中土星
所歷刑厄位上復值火星重疊災象遂成疾
瘵未復瘵速彌切憂惶竊恐前代今生罪尤
未解負財負命寃債未除非憑大醮之筵難
登懺祈之懇是敢捨其服玩備此香着嚴設
壇場虔申禱祝伏惟諸天憫護眾聖矜憐申
再造之仁全好生之德三官五帝暗曜七元
南斗北辰天司列宿歛濟專聖地府明靈及
妻本宮遊年八卦內外應感三界靈司賜於
曾府之中簡錄之內有寃仇罪犯厄運災期
勅命所司特賜原赦續其祿加以年齡滿
滌凶表錫平疾苦百關宣通六腑安和重親
天光再復人事推心勵節永酬濟祐之恩念

善孝至上副真靈之澤不任灑懸披心希生
請命迫切虔祈之至謹詞

王宗珍宅弘農郡夫人降聖日修大
醮詞

妾聞玄元道祖太上老君凝神三境之中屬
念普天之下將加拯度爰降真儀垂太陽五
色之華駕旭日九龍之羣夢瀾川而寓景華
仙李以誕生陸地開運初承玉步虛庭涌井
瑩濯環委宸容彰挺特之儀曆旨聞希微之
教萬天宗稟歷代師資標令節於昌辰錫殊
休於品物宜崇勝會用表精誠妾早悟真乘
潛參寶錄延生妙篆紫陽丹殿之文飛化靈
圖絳闕朱宮之籍正身心於九室檢神氣於
三關滌過蠲邪利幽濟顯每勤修敬敢忘香
燈爰因大宥之期恭備醮奠之禮是用馳誠
鶴宇鳴想龍輿渡丹欸以騰詞拂碧壇而嚴
事天闕地府日域星躔三官五帝之曹北部
南丹之署下周川嶽旁遍幽靈畢聲明誠冀
蒙昭鑒上願皇基隆永睿壽遐長道化昌
聖教宣布九區四裔常尊道德之風庶類奉

生共樂昇平之運去九玄七祖往逝先靈撰
質丹陵生神碧落火祛未兆善降無涯年算
更增罪瑕俱釋普度徒念上副鴻慈不任歸
命之至

洋州令公生日拜章詞

伏以三天布化正一垂文煥啓玄功廣濟羣
品欲使天光下燭陰開息幽翳之悲凡懇上
陳陽景遂宣通之願由是敷二十四籙命千
二百官統領人倫主張真籍騰心靈為騎吏
飄香穗為驛龍積恩而感契可期拯護而誠
明必達古今宗奉惠澤昭彰巨夙恭正具常
叨廢祐將壇相印未申報國之勞潔已澄心
每切修生之願今則度膺綸詔暫撫遠邊爰
屬生辰輒祈靈貺恭陳醮禮精備章文伏惟
大道延慈天師鑒祐降兵官將獲祐護持俾
其成過成功烽煙罷警殊方草面成極負以
歸仁嶺俗俊心盡梯山而向化佇清寰海永
致雍熙巨祿算增延災凶珍息道運寧泰將
吏輯和普及幽明俱承玄祐不任歸命虔祈
之至謹詞

東院司徒孟春甲子醮

伏以大道開光玄元垂化氣分五緯五帝操代謝之權節布三元三官主死生之錄由是百神受職品物知歸寒暑推遷成歲功而明罪福支干配合統人事而定吉凶今古攸遵應靈無爽巨叨承玄蔭獲佐昌時福遇災生每切持盈之戒才輕任重惟虔報國之誠今者候及上元序新六甲考校當天官之首司明值甲子之初屬此令辰恭修大醮敢期玄聖俯鑒丹誠臣某伏念身速庭闈禮遙溫清今茲迎侍尚阻江山况隴峽繁紆江波濤險惟憑神力冀保長途伏惟五帝高尊三官大聖六十甲子應感威神俯迴盼鑿之靈特降昭彰之祐使輕舟利涉萬里無虞靡勞涉此之吟速逐綠衣之養俾諸懇願敢負明恩誓勤嚴奉之誠永答真靈之祐不任歸命披心禱祝祈恩激切之至謹詞

刀子趙太尉陽平化醮詞

伏以至道分光仙曹列品上浮辰曜下結名山包洞府以深嚴擁雲霞而秀異潛符邦國

大庇生靈統錄人天主張命籍除災降福有感必通臣獲奉聖明叨榮爵秩總領戎伍慙無韓白之功部握魚符愧乏襲黃之政常虞盈滿以致災衰早罄丹心歸依玄教傳修經籙宗仰真靈所願國作延洪聖壽遐永萬方一統四海會同臣某削落災危彌銷罪咎六親蒙福九祖生天祿算惟增功名克著普度忠孝永表休明庶期修勵之心上副具仙之祐恭修醮酌庶達明誠不任歸命虔祈之至謹詞

廣成集卷之十六



廣成集卷之十七

毀五

宣醮鶴鳴枯栢再生醮詞

惟彼仙山英茲南土雄盤厚地秀拱宮星控綿洛之川原總岷峨之形勝巖巒捧日洞府棲具連空之松檜扶疎千載之威靈肅穆果聞祥異願此福庭垂至陽生化之功爨枯栢凋摧之質柔條迥茂灑瑞露以飄香密葉重榮動晴風而裊翠神仙幽贊宗社福招叶比玄休永茲楨既是用精嚴醮祝仰答真靈凝心宣室之中翹想雲峯之外所冀華夷昭泰海嶽晏安稼穡滋豐氛埃蕩定永期祗奉以副臣私稽首謹詞

李忠順司徒拜保護章詞

臣聞道用無方神功不測隨機應念惟感必通正一垂文傳寶章而控物盟威立訓陳醮品以濟民粵自古先遠于茲日惠單願瞻澤普天人臣某夙荷玄慈獲逢聖日天波浩蕩人爵優私懇無經濟之能深慮寵勞之極况居司戎任出鎮魚符或賞酬乖喜惡之宜刑